

篋

中

詞

篋中詞

今集三

仁和譚獻錄

吳翌鳳

玉樓春

空園數日無芳信。側側殘寒猶未定。柳邊絲雨燕歸遲。花外小樓簾影靜。憑闌漸覺春光暝。悵望碧天帆去盡。滿隄芳草不成歸。斜日畫橋煙水冷。

俊絕

齊天樂

蘋花不暖鴛鴦夢。江南幾番秋雨。鬪草人歸。辭巢燕去。冷落瑣窗朱戶。天涯倦旅。算第一關心故園尊俎。幾處殘甍淒涼慣逐。

夢魂去 杜郎愁思多少新霜看乍染雙鬢如許望裏斜陽煙
幾數點縹緲碧雲何處離情待訴向煖翠簾陰靜調鸚鵡甚日
歸來夜深聽俊語

瑤華

翠鴛堂桃樹一株鮮麗可愛年時載酒作洗花之宴忽忽不知其樂也步履重來春風非昔感而成此

疏花散霧小雨收鐙過禁城寒食尋春歸晚誰念我重上吹香
巷陌年芳輕別早夢斷謝橋春色但盼到垂柳陰中一片池塘
自碧 玉笙聲裏殘寒想燕子歸來東風猶識彩雲飛過斜陽
外閒卻紅闌幾尺苔陰小立試重問玉鈿遺迹算惟有冷月籠
煙照我夜分吹笛名貴

桂枝香

壬辰秋蒙泉有湘中之游鑑槎歌此調送之邀予同作

蘋風吹晚送兩槳寒潮去程同遠多少江南舊恨客懷難遣楚
天歸夢沈沈開瑣窗寒靜隨宵掩微霜影裏香銷燭燼乍聞新
雁念自昔紅亭翠館悵十載盟鷗便教飛散數徧亂山荒驛
甚時重見鄉關此後多風雪怕黃昏畫角吹怨相思空記寒梅

一樹和香同翦

善用
逆筆

倦尋芳

碧雲向晚倚偏危闌誰伴孤寂側側寒輕可惜謝池春色涼雨
乍催花事去東風只有重簾隔料閒愁有畫梁雙燕似還相識
記那日靡蕪小院羅幕香中歌扇輕拍露淺花深相對細傾
春碧縹緲驚鴻何處所夜寒空照西樓月恁相思對青鐙又成

淒絕

意境深異

滿庭芳

花氣浮春鶯聲醉曉芳隄最是新晴畫船雙槳天氣近清明燕蹴飛花紅雨東風急吹過高城斜陽外舊游何處隔巷喚春飴生平消受處夢餘斜月醉後華鐙有粉柔香密細與閒評十載雅歌都廢朱樓在重到須驚銷魂處澹煙細雨贏得莫愁生

琴簫俊韻秦七去人不遠

長亭怨

壬辰春盡旅寓鹿城況味寥落有懷舊游

正簾外雨聲不定柳下人家燕巢先冷潤絕琴絲落紅庭院晚風勁倦懷誰省知消減看花心性夢破黃昏又聽到斷鐘零磬

春盡問吟魂何事猶戀舊時芳景銀屏睡醒誰扶上江南煙
艇想當時羅幃侵階有幾處霧深花暝到人去庭空一片露華
涼浸

齊天樂

埽癡垂問近況書以示之時丙午三月松陵舟中

十年不上吹笙路相看俊游都老野徑無花閒門有燕愁入故
園芳草燒燈過了問隔水人家冷煙多少負盡年華鉤車密約
那曾到新來吟興漸嬾春衫都試徧猶是寒峭破夢燈痕戀
衣香氣消領舊時懷抱綠窗深窈知柳外花邊幾番殘照如此
谿山甚時歸去好

秀絕

郭麐頻伽浮眉樓詞

臺城路

同嚴丈歷亭游舒氏園作

薄陰不散霜飛早園林深貯秋意水木清蒼陂陀高下澹與暮
雲無際紅泥亭子占一角孤城七分煙水最愛疏疏竹竿萬个
滴寒翠年來俊侶都散僂登山臨水只恁蕉萃倦柳攀條清
流照鬢暗老悲秋身世荒寒如此又畫角聲中夕陽垂地樹樹
西風暮雅寒不起雅令

望湘人

用穀人先生韻

漸蕭蕭瑟瑟冷冷清清客懷如許淒戀衰柳翻鴉枯荷開雨子
夜怨歌先變鏡裏霜寒鐙前人瘦眉邊山遠儘哀絃一曲思歸
飛起十三羣雁數盡更更點點把孤衾斷夢一宵尋徧只文

鴛繡枕記得舊時曾薦酒痕濃澹淚痕重疊溼了小蠻鍼綫問

何日纖手親攜笑勸芳尊須滿

情深婉麗

疏影

嫺婉

珠噉玉泣向畫筵深夜相對愁絕今世紅紅宿世蟲蟲生平最
惜離別風簾露席隨升降判滴滿爛銀荷葉算芳心未是灰時
可怕界殘紅頰 便與紗籠護取也應護不到將地時節苦憶
高樓網戶瞳矓照見粉痕明滅羅襦低解聞薌澤有誰問階前
堆積只淒然擁髻人人愁浣石樞囊褶

深思密藻漸近張周

前調

惺泉浮香樓圖余舊爲作序并詩今相見吳門正梅花時欲歸未得復爲倚聲作此不知有繫於中也

生香活色記舊曾相約短櫂游歷認是西谿千樹梅花無人管

領煙月故家臺榭知何處有野鶴暫歸能說見當時二老風流
閒倚畫闌清絕同向江湖流浪欲歸那便何如此蹤跡江北
江南銅井銅坑過了試花時節人生但有三閒屋便無地種梅
也得問何時深閉柴門穩臥故山風雪

亦本色語運思筋曲便不覺其易盡

賣花聲

秋水澹盈盈秋雨初晴月華洗出太分明照見舊時人立處曲
曲圍屏風露浩無聲衣薄涼生與誰人說此時情簾幙幾重
窗幾扇說也零星

高陽臺

將反魏塘疏香女子亦以次日歸吳下置酒話別離懷惻惻

暗水通潮癡雲閣雨微陰不散重城留得枯荷奈他先作離聲

清歌欲遏行雲住，露春纖竝坐調笙。莫多情，第一難忘席上輕盈。天涯我是飄零慣，任飛花無定相送。人行見說蘭舟明朝也，怕長亭門前記取垂楊樹，只藏他三兩秋鶯。一程程愁水愁風，不要人聽。中邊俱徹

南宋詞收瑣屑，鉅釘朱厲二家學之者，流爲寒乞枚菴高朗頻伽清疏，浙派爲之一變。而郭詞則疏俊，少年尤喜之。子初事倚聲，頗以頻伽名雋樂於風詠，繼而微窺柔厚之旨，乃覺頻伽之薄，又以詞尙深澀而頻伽滑矣。後來辨之。

劉嗣綰英初爭船詞

木蘭花慢

插天湖柳碧渾不管曉鶯愁。早紅被香消翠簾燭散，人下西洲。恩恩幾聲絮語，怕風吹不到謝橋頭。輸與瓜皮艇子，綠波雙剪。

江流 朝來睂史記同修小閣最清幽
僂鈴語禁花杵盟負月
悔了綢繆芳心縱窺團扇爲秦娥
簫譜又傷秋欲倩行雲一片
替儂遮斷層樓

離卽吞吐
聞求之

楊夔生伯夔過雲精舍詞

高陽臺

殘月

隱霧蛾消鏤雲額淺清輝不耐團
鑲銀漢初斜瑤姬佩解闌珊
玉笙吹徹新涼夜掩紗櫺翠影層
闌最關心三五良宵十二回
闌 一鞭曾識來時路過曉風疏
柳野水荒灣畫角聲中古今
無限江山半規淺暈傷心白渺離
愁天上人閒卷簾衣苔冷藏
秋花約輕寒

昂昂若千
里之駒

木蘭花令

綠香繡帳懸空霧長夜闌珊夢幽素淒淒風止修竹閒幾點涼
螢照秋雨 寶函香滅玉衣寒蠟樹煙殘掩朱戶楚魂愁謝泣
枯蘭鈿管裁詩唱金縷

金莖遺響
不絕如縷

一萼紅

秋霖乍歇同人泛舟環溪

遡空明輕移吟鷁迤邐過環溪十里新晴半汀殘靄蘭橈試劃
秋漪翠藤翳涼穿水曲見數點煙際暝鷗飛散酒頻來權謳唱
徹西塞魚肥 極目沙邊凝竚渺雲圍松髻霞翦荷衣側唱吟
商當歌吹竹幽思約上雙眉看暮色蒼然林表好湖山彈指入
斜暉只有西巖漁父鎮是忘歸

句甚大緻綫
甚細此非易到

左輔

浪淘沙

曹溪驛折桃花一枝數日零落裏花片投之涪江歌此送之

水軟櫓聲柔草綠芳洲碧桃幾樹隱紅樓者是春山魂一片招
入孤舟鄉夢不曾休惹甚聞愁忠州過了又涪州擲與巴江
流到海切莫回頭所感甚大

南浦

夜尋琵琶亭

潯陽江上恰三更霜月共潮生斷岸高低向我漁火一星星何
處離聲刮起撥琵琶千載曠空亭是江湖倦客飄零商婦於此
盪精靈且自移船相近繞回闌百折覓愁魂我是無家張儉
萬里走江城一例蒼茫弔古向荻花楓葉又傷心只琵琶響斷

魚龍寂寞不曾醒

滿染大筆
此道遂尊

孫錫

金縷曲

殘荷

一陳跳珠雨作輕涼點搖平碧
嫣紅無數卷地萍颺翻露葢舞
到香鬟似霧賸倩影幾番回顧
孤豔不爭團扇寵恨游人全忘
花心苦敲翠袖且相護
尋花較晚花無主
裊淩波絲風太弱
款花不住密柳疏蟬
漁艇外我擬將家賃去
理舊怨爲花低訴
千里美人江水莫望蘭皋誰肯
褰裳渡蘅佩遠在空渚

蔣慶增

蝶戀花

露井蛩多闌夜靜薄酒欺寒又是年時病記得醉中頻索茗玉
纖親試團龍餅往事淒涼難再省頓覺如今愁與星河冷殘
月四更人睡醒一簾風顫秋花影

沈蓮生

蝶戀花

年去年來江上燕紅了桃花綠了垂楊岸鎮日闌干天樣遠畫
堂簾幕陰陰見牆外誰家吹玉管絮亂絲縈天亦如人倦香
夢無端尋欲徧夢回只在閒庭院

浮雲白日
與此同慨

疏簾澹月

得家人書詞以報之

牆陰那角有小小幽花乍牽籬落露腳斜飛坐久袖羅嫌薄一

年一度填河鵲只年年瘦
鬢如削晚妝重理娟娟楚楚半簪涼
夢問因甚萍飄絮泊誤綠谿秋釣
畫檐春酌往事驚心塵滿
玉窗羅幕行雲縱有刀環約怕
相思歸夢難託但教說與來鴻
去燕幾時忘卻

李豐

踏莎行

落梅

第一番風偏畱不住落花如雪中
庭舞美人未可斷春心餘香
幾點猶黏樹索笑無從招魂難據
佩環此後歸何處小樓夢
破角聲殘微雲澹月相思路

姜安

疏影

柳影

長亭短驛正春光一片滿地狼藉飛絮飛花蕩漾參差幾度臨
風難折絲絲遮斷河橋路悄不礙踏青游屐漸魚雲斂了斜陽
尋徧亞闌無迹曾伴紅窗簸弄那人愁瘦損描上香額細雨
吹絲倒映漣漪莫辨層層深碧秋懷曾付鴛鴦渡算只有斷魂
相接怕亂雅飛入寒林未省舊巢端的

李汝章

洞仙歌

秋柳

絲絲顚顚傷荒寒亭堠遠岸芙蓉共消瘦悵弓罨舞袖都化煙
雲斜照外惟有紅橋依舊涼蟬聲斷續根觸離情白下門前

怨分手繫馬向誰邊
烏夜啼殘正月冷
霜清時候想垂老桓公
在金城應悽慘江潭不堪回首

曹言純

蝶戀花

京口道上

花外蕭疏寒食雨
客裏垂楊插向誰家戶
馬上征衫燈下作東
風細細吹愁縷
不問閒游何處所
小榭幽亭到處句
畱住回首來時天際
路山橫水斷雲無數

步蟾宮

和季旭齋紅橋卽事

柳絲兩岸情難繫
但作得空濛無際圓
紗舊扇認前題
奈已是青春隔歲
相逢不語看凝睇
更莫問回腸深意
落花傳恨水

傳愁卻多在東風影裏

胡搗練

深枝密葉樹迷人只聽鶯鶯聲嚶水闊天長雲斷不抵屏中遠
七盤舞似近前來又忽隨風飛轉對面猶遮團扇知許何時
見

步蟾宮

鳳脰鐙小添油灼夜垂盡不歸香幄趕裁白紵作春衫任兩手
春寒都著佳期已誤虛前諾算孤負花陰池閣逃禪服散儘
歸來也拚與燒香丸藥

黃韻甫曰小令觸緒生情瑣瑣如道家常深得古樂府神理

孫鼎烜耀乾軒香堂詞

綺羅香

漢江作

碎裂苔箋亂揉班管鬱鬱孤懷難寫十載芳菲恨別洛陽花社
折方疏柳樹成圍翦不斷藕絲盈把儘魂銷情盡橋頭人前難
乞合歡假幽期誰使閒阻常怨東風只如綠尊紅紫幾卻干
山還我舊時春夜舞回風眾裏投羅歌豔雪暗中描畫但多卻
花絮飄零做成鉛淚瀉

伯雨仲舉妙處傳矣捫
之有稜使人不思南宋

二郎神

次韻和夢窗垂虹橋

凍雲紺合風乍歇水平如凝正客鬢逢秋隣鐘催暮纔汎香鱸
釣艇況值春情闌珊後怕玉瘦花腴無定看縷縷蝶波迢迢雅
陳暗嗟塵境歸興湖光潋灩青山滿鏡更竹樹新晴舊虹猶

在獨向汀洲弄影塞鴈無憑江湖有信隄上綠楊清冷遙望處

時見流螢數點未教花暝

婉甚

休甯孫耀乾乾隆中與汪西鵬交好香堂詞雅健有夢窗草窗遺意予錄篋中詞竟之官歙州始得之於巖市錄以補諸家所未及

張惠言皋文茗柯詞

木蘭花慢

楊花

儘飄零盡了誰人解當花看正風避重簾雨迴深幕雲護輕幡
尋他一春伴侶只斷紅相識夕陽閒未忍無聲墜地將低重又
飛還疏狂情性算淒涼耐得到春闌但月地和梅花天伴雪
合稱清寒收將十分春恨做一天愁影繞雲山看取青青池畔

淚痕點點凝斑

據兩宋之菁英

水調歌頭

春日賦示楊生子拔

東風無一事妝出萬重花開來閱徧花影惟有月鉤斜我有江
南鐵笛要倚一枝香雪吹徹玉城霞清影渺難卽飛絮滿天涯
飄然去吾與汝汎雲槎東皇一笑相語芳意落誰家難道春
花開落又是春風來去優了卻韶華花外春來路芳草不曾遮
百年復幾許慷慨一何多子當爲我擊筑我爲子高歌招手海
邊鷗鳥看我胸中雲夢帶芥近如何楚越等閒耳肝膽有風波
生平事天付與且婆娑幾人塵外相視一笑醉顏酡看到浮
雲過了又恐堂堂歲月一擲去如梭勸子且秉燭爲駐好春過

珠簾卷春曉胡蝶忽飛來游絲飛絮無緒亂點碧雲釵腸斷江南春思黏著天涯殘夢賸有首重回銀蒜且深押疏影任徘徊
羅帷卷明月入似人開一尊屬月起舞流影入誰懷迎得一
鉤月到送得三更月去鷺燕不相猜但莫凭闌久重露溼蒼苔
今日非昨日明日復何如竭來眞悔何事不讀十年書爲問東
風吹老幾度楓江蘭徑千里轉平蕪寂寞斜陽外渺渺正愁予
千古意君知否只斯須名山料理身後也算古人思一夜庭
前綠徧三月雨中紅透天地入吾廬容易眾芳歇莫聽子規呼
長鏡白木柄剝破一庭寒三枝兩枝生綠位置小窗前要使花
顏四面和著草心千朵向我十分妍何必蘭與菊生意總欣然

曉來風夜來雨晚來煙是他釀就春色又斷送流年便欲誅
茅江上只怕空林衰艸憔悴不堪憐歌罷且更酌與子繞花閒
宵夜學問醞釀噴薄而出賦
手文心開倚聲家未有之境

傳言玉女

多謝東風吹送故園春色低晴淺雨做清明時節昨夜花影認
得江南新月一枝枝漾春魂如雪卻問東風怎都來共闌寂
綺屏繡陌有春人濃覺閒庭閉門判鎖一絲愁絕夢兒無奈又
隨春出

相見歡

年年負卻花期過春時只合安排愁緒送春歸 梅花雪梨花

月總相思自是春來不覺去偏知

信手拈來

木蘭花慢

游絲同舍弟翰風作

是春魂一縷銷不盡又輕飛看曲曲回腸愁儂未了又待憐伊
東風幾回暗翦儘纏絲未忍斷相思除有沈煙細裊閒來情緒
還知 家山何處栖遲春容易到天涯但牽得春來何曾繫住
依舊春歸殘紅更無消息便從今休要上花枝待祝梁間燕子
銜他深度簾絲

屈曲洞達

玉樓春

一春長放秋千靜風雨和愁都未醒
褰邊餘翠掩重簾釵上落紅傷晚鏡
朝雲卷盡雕闌暝明月還來照孤凭
東風飛過悄

無蹤卻被楊花微送影

善學子將

若柯詞四十六首久欲評注全本遺餉學子病嬾未就今就宛鄰詞選附錄及詞綜續編所采合錄十闕菁華略備詞選附錄諸家黃氏續編未載今刪取附茗柯後以志派別

張琦

六醜

見夫容花作

悵秋光漸老看點點霜花飄足庾郎正愁愁來無處著漫遮籬
落是處秋容好岸邊深巷見數枝幽獨雕闌深護珍珠絡困倚
香雲斜敲暖玉相看更燒銀燭卻清尊半醉前事悵觸蘭舟
初泊記雙紅梳掠坐對名花晚情莫莫鐙前細語蛾綠但回頭
無奈別離成各西風緊更催叢萼料得是一樣心頭滋味減來

還惡疑愁處莫倚闌角看一痕澹月微雲裏依然是昨

美成思力

摸魚兒

漸黃昏楚魂愁斷曉鴉早又相喚芳心欲寄天涯路無奈水遙
山遠春過半看絲影花痕冪盡青苔院好春一片只付與輕狂
蜂兒蝶子吹送午塵暗關山客漫說歸期易算知他多少淒
怨不曾真箇東風妬已是燕殘鶯嬾春碗晚怕花雨朝來一霎
方塘滿嬌紅誰伴儘倚徧回闌莫雲過盡空有淚如霰

風刺
隱然

南浦

驚回殘夢又起來清夜正三更花影一枝枝瘦明月滿中庭道
是江南綺陌卻依然小閣倚銀屏悵海棠已老心期難問何處

望高城 忍記當時歡聚到花時長此託春醒別恨而今誰訴

梁燕不曾醒簾外依依香絮算東風吹到幾時停向鴛衾無奈

嗁鵲又作斷腸聲

所謂深美閨約

翰豐與哲兄同撰宛鄰詞選雖叮咛未盡而與發始開其所自爲大雅邁逸振北宋名家之緒其子仲遠序同聲集有云嘉慶以來名家均從此出信非虛語周止齋益窮正變潘四農又持異論要之倚聲之學由二張而始尊耳

惲敬

阮郎歸 畫胡蝶

少年白騎放驕憨踏青三月三歸來未到捉紅蠶化蛾真不甘

江橋葉一分含那防仙嫗探雙雙鳳子出花龕繭兒風太酣

輕鬚薄葉不禁風教花扶著儂一枝又逐月痕空都來幾日中

曾有伴去無蹤關前種豆紅蜜官隊裏且從容問心同不同

錢季重

六醜

朱藤

正木棉乍試又砌石紛披花萼計春竟畱盡蜂狂蝶燕亭午風
弱屈指人何在小庭深處剩一枝天灼燕支滿地餘香足亂壓
銀箏輕調湘竹回頭已成依約聽風風雨雨春去無腳南園
西閣玉虎纏金鑰一十三年久香漠漠免葵燕麥森束縱有人
護惜也教錯愕濃陰密半來簾箔也不是當日勻香暈粉珍珠
絡索春雲裏細語丁屬恐飛紅吹到他邊去惹伊淚落

寫仿清
真唐臨

晉帖終非廖
瑩中所能爲

四圍竹

蜂須蝶粉不住鬧
薔薇紅凝繡幕綠映窗紗
做得春肥清晝長
閒拄杖闌干獨倚
眼前棖觸相思
草離離從茲綠到江南料
無有缺些兒
更想東風吹去
開到鄉園舊日花枝知也未甚近
日香篝夢反稀

用意深遠

李兆洛

菩薩蠻

海棠低護行雲徑
畫樓西畔分明影
不爲見時難
忍扶羅袖看
撩人回面語
顫鬟釵翹舞
花氣汎紅螺
橫飛出綫蛾

簾前細鼻沈煙紫
隔簾桺絮飄香砌
蛛縷戀殘魂
搖搖更不禁

玉簫吹未徹垂手還疑立不覺月痕西下簾霜滿衣

丁履恆

綠意

瓶

暗蛩吟斷又遠空嘹唳數行驚雁拋卻梁州萬里雲羅猶帶塞
聲悽怨羅浮夢醒君歸去那正好草明香暖怎知小別經年卻
把鬢華輕換偏爲金商已逗怕飛雪來寄吳山湘岸瘦影聯
翩還喜攜羣小聚圓沙低暗和煙冷抱蒹葭宿早消盡濃霜片
片到東風吹入江南又向塞垣飛遠

人品甚高

滿庭芳

北樓晚望

冥霧沈山澹煙籠渚畫出一片秋空遠林霜葉絢染十分紅夢

想來時陌上相將見應誤春工知何處水村山郭澹蕩酒旗風
恩恩又負了黃花香晚綠醕栢濃算難將心事訴與歸鴻更
向危闌閒倚蒼波渺目斷孤篷高城外宛句雙水流向夕陽東

氣體
高妙

陸繼輅

鬲溪梅 胡蝶

游絲不繫可憐身更誰隣早又飛花和雨委輕塵將魂付與春
羅浮仙侶怨輕分怕黃昏待得清光一院月如銀無由更覓
君

一庭紅雨落難收溼春眸記取雙飛切莫傍簾鉤有人簾內愁

歸期欲訂又還休暫句留此去知他能否更經秋年華似水流

金應城

湘春夜月

簾

鎮愁人畫簾盡日低垂一任蜨舞鴛歌都付與斜暉無柰梁間燕子帶東風一縷驀地歸來又深苔細艸和將春思吹人呢眉屏山倦倚熏爐欲燼寶篆微微且上銀鉤卻放得纖纖月影斜卷花枝雕闌舊夢倩誰刪萬縷相思算只是把雙犀依舊從教深押莫問天涯

溫潤
縝密

又花影

卷簾旌惜花心事黃昏多謝一片流光卻挽住花魂一夜一分
月色又一分花意催送芳春算都來做箇風前夢影煙裏愁痕
佳人何處當時無柰淺笑輕顰竹外依依似彷彿傷心眉黛
暗泣羅襖東風最惡向空枝搖蕩還頻僂僂得教一年憔悴怕
他暗裏老卻春人

臨江仙

篆縷厭厭人悄悄敬鬢慵倚銀屏紅兒笑道月華明海棠枝上
一半碧雲橫坐待窺窗窗正滿一身花影亭亭隔牆何處又
吹笙簾兒下了雙袖悄寒生

如明七子
之擬古

金式玉

六州歌頭

重帷深鎖玉漏正三更屏山暗金荷燼篆煙凝短長亭依約年
時路清溪曲垂楊畔朱門裏晶簾下月華明風外翹鬟掠削搔
頭玉隔住紅英把花枝斜睇雙靨淺霞生芳意盈盈更悵惺

憶郎不見眉翠薄鬢雲亂悄含情飛鴻遠空悵悵望高城只星
星飛絮天涯影風搖漾不曾停人瘦損花憔悴總飄零愁殺東
風輕別知何處粉袖銀箏怎禁他花外殘點一聲聲好夢頻驚

言近
指遠

南浦 秋燕

年年寄旅向天涯底事又難畱幾度涼颺蕭瑟倦羽不勝秋此

去斜陽無數怎拋他幽恨鎖重樓算年來重到人還在否難問
舊簾鉤只爲雕梁春信趁東風容易到南州雨雨風風花事
一度一含愁語盡淒涼情緒再相逢切莫話溫柔只憐伊瘦損
闌干竟日自凝眸

鄭善長

綠意

殘荷

芳塘曲處看翠雲憔悴收盡殘暑記得羅衣波上頻前嬌鬢一
時相妬而今一片煙波冷只賸得雙雙鷗鷺知恁時越女還來
空憶采蓮前度眼底紅芳嫁盡但枯葦歷亂堪訴愁苦卷向
熏風圻向西風消受斜陽無數曉來清露憐儂甚正無奈盤心

非故只看他鉛淚難收灑向一池煙雨

叔夏卻步

高陽臺

柳

莫雨催眠曉風催起絲絲綰住春愁依舊清明還教伴我登樓
平蕪一片斜陽影問韶光何處句留怎憑他蘸盡流波送盡行
舟當年繫馬江南路正歌臺月暗舞榭風稠纖手而今攀來
可記溫柔儂心化作天涯絮怕重來錯認簾鉤便拚他過了殘
春又是殘秋

常州詞派不善學之入於平鈍廓落當求其用意深雋處

錢枚

風蝶令

好夢難重作春愁又一年東風吹起夜窗眠依舊初三月子不

曾圓 曉霧凝香溼游絲惹恨牽桃花開近翠簾前花外一重涼雨一重煙

周濟保緒止菴詞

度江雲

楊花

春風眞解事等閒吹徧無數短長亭一星星是恨直送春歸替了落花聲馮闌極目蕩春波萬種春情應笑人春糧幾許便要數征程 冥冥車輪落日散綺餘霞漸都迷幻景問收向紅窗畫篋可算飄零相逢只有浮萍好柰蓬萊東指弱水盈盈休更惜秋風吹老蘼蕪怨斷之中豪宕不減

垂楊

立冬前七日聞蟬和叔安

秋衰漸遠聽蒼黃病柳一聲淒婉曳入西風可應還似秋前滿
分明疑絕重低轉替人說嫩涼池館被連番青女無情把露華
偷翦 知否吟蛩乍緩僂戶下牀頭不成濃煖漫立高枝夕陽
偏向疏林展誰畱鬢影誰執扇但贏得琴絲題怨宵來霜月孤
行魂易斷

開闕
動盪

徵招

冰鉅

邊笳吹老天山雪跋烏乍棲庭樹露重卸金盤聽商音悽苦兒
童驕自詡僂閒把棘門軍聚數點敲殘千家寒月隔牆碁杵
何處是靈津流澌結沖沖馬蹏難駐待約鸛鵝齊沸池蛙鼓
熏風知幾度向瑤櫺換將荷柱漫凝想鶴擎風姿有顧榮揮羽

擲筆空際偉岸
深警如讀杜詩

滿庭芳

梨花

珍重經年玲瓏數朵樓前越樣丰姿東君著意開比海棠遲爛
漫羣芳似錦深宵露洗盡燕支無人見亭亭顧長明月過牆時
渾疑逢洛浦淩波佩解天慰相思正團圓果就怎說將離一
翦紅襟斜度窺鶯枕雲想輕移年年約前裏俊侶沈醉碧頗黎

峭道

夜飛鵲

海棠和四首

春酣鎮無語閒倚朝雲渾不解爲何人燕支著意暈雙頰輕綃
疊翠圓勻生來七分媚骨況霞明煙澹作得三分尋常伴侶試

新妝漫約湔褰 天上三郎擗鼓催滿苑花枝與爾精神一例
團雲裁雪流鶯暗約蜂蝶空羣燒殘絳蠟奈眞妃也則銷魂待
濛濛雨歇可堪重訪綺陌芳塵閱約

八六子

竟春歸落英孤負海山冉冉晴暉歎不共鶯衣熠熠偏隨燕羽
飄零年光付誰 垂楊空鬪夢園只見陌頭泥滑那聞駿馬嘶
來向翠樓深處障風揄袖惜春人去豔情無極祇憑楚調湘絃
急經秦聲羌管橫吹傷敗臺游絲但牽恨回溫然其辭

蜨戀花

柳絮年年三月莫斷送鶯花十里湖邊路萬轉千回無落處隨

儂只恁低低去 滿眼穠垣敝病樹縱有餘英不直封姨妒煙
裏黃沙遮不住河流日夜東南注

軍灝

唐多令

楊花

轉過赤闌橋紫簾故故飄其春魂一樣難銷贏得青蕪斜照裏
人獨立燕雙拋 委地太無聊回頭見舞靨倩東風吹上長條
剛被游絲牽惹住渾不是畫檐高

蝶戀花

絡緯嘯秋曉不已一種秋聲萬種秋心裏殘月似嫌人未起斜
光直透羅幃底 喚起閒庭看露洗薄翠疏紅畢竟能餘幾記
得春花真似綺誰將片片隨流水

言三
三
金明池

荷華

十五年前明灣消夏夜擁紅香酣睡船唇畔錦圍繡繞三十六
鴛鴦妮隊甚頻將楚水吳山都化作海蜃無馮雲氣但啟翼僧
廬分他古佛坐下蓮趺香靄雪蕩畱絲絲卻在又演出田田
弄波情態金莖露明擎在掌爭傾作一池珠碎定知他弱不勝
梁似水苕牽風空餘翠帶待過了新秋那時重認顧景珊珊環
佩風

若柯詞選出倚聲之學日趨正鵠張氏甥董晉卿造微踵美
予未得其全集止算切磋於晉卿而特論益精其言曰傾重
而後出之馳騁而變化之劍矜醞釀乃有所寄又曰詞非寄
託不入專寄託不出一物一事引伸觸類意感偶生假類必
達斯入矣萬感橫集五中無主赤子隨母笑嘯野人緣劇喜
終能出矣以予所見周氏撰定詞辨宋四家詞筏推明張氏

之旨而廣人之此道遂與於著作之林與詩賦文筆同其正
變也止算自爲詞精密純正與茗柯把臂入林子亦錄十篇
與茗柯並

董士錫

江城子

丙寅里中作

寒風相送出層城曉霜凝畫輪輕牆內烏嘯牆外少人行折盡
垂楊千萬縷畱不住此時情紅橋獨上數春星月華生水天
平鏡裏芙蓉應向臉邊明金雁一雙飛過也空目斷遠山青
汪士進逸雲聽雨詞

醉花陰

窗兒閃閃燈兒細漏點頻頻記早是五更鐘爲約新愁片刻相

迴避 機中錦字書中淚聚散真容易昨夜又西風倚檻涼生
知否添衣未

鵲橋仙

幾重煙水幾重簾幙認得舊時雙燕闌干十二繞屏山都被那
相思穿漏 歌聲如許淚痕如許又是誰家庭院早知見了傻
情深卻怎似不曾相見

誰知今夜簾垂風細翻做淚痕疑面隔林囁鳥兩三聲似悔把
舊巢輕換 瑣窗深掩花冠不整道是紅驚綠泣早知見了又
無言怎背地千思萬轉

嬋娟
百態

高陽臺

秋海棠

人比花嬌花如人瘦年年長抱秋心負此容華安排離角牆根
無言卻立西風裏怕淚痕攪上衫痕儘柔腸諳盡相思過盡黃
昏歸期屈指春前近算幾回夢阻又到而今滿地敲斜淒然
細雨重門宵深欲睡無人管倩誰燒銀燭重溫賸沿階多少寒
蛩與訴殷勤

承齡子久冰蠶詞

蝶戀花

日日江樓愁獨凭潮去潮來舊恨難重省百折千回流不盡斜
陽一桁珠簾影 海燕歸時花徑暝月色銀黃照見雙棲穩一
霎春寒催酒醒春來料理傷春病

金縷曲

蠟淚

莫翦燈花穗。地僝僽無情有恨。畫堂秋思待把碧紗深深護。又被斜風吹起。更不管玉釵顚顚。斗轉參橫人將去。暗相和銀箭翻瀉。水點點。是別時淚。華筵似夢從頭記。記春江微歌說劍。六朝游戲。十萬驪龍珠齊吐。分照花天酒地。賸狼籍堆階紅膩。結客歸來黃金盡。燕香心伴我修眉史。誰忍賦短檠棄。善學幼安

采桑子

永豐坊裏尋常見。瘦削。雙燕來時。一翦東風。萬柳絲。江南花事馮誰說。開到荼蘼。莫絕相思。如水春愁醉不知。妙妍

憶舊游

送春

怎燕子罵兒恩恩舞倦便勸春歸在再隨流水算榆錢買得能
住多時落花乍低還起如訂隔年期縱說道東風年年依舊老
了楊枝徘徊認蹤迹是碧汎萍圓紅沁苔肥打疊和愁送柰
天涯夢遠黏著游絲綠陰近來門巷蜂蝶不曾知但目斷斜陽
芳園客去簾晝垂

草窗勝境

雙雙燕

白燕

玉釵股上共么鳳輕搖舊時曾見鉛華淨洗漫問漢家宮殿催
得柳明花暗掠飛絮風前零亂留他月影雕梁屬付晶簾休卷
芳院梨雲片片正蜨粉初乾莫拋雙翦傷春人老憔悴雪香
煙暖翻妬愁痕太淺想一縷紅絲猶罨樓中縱有春風也恐鬢

華早換

幽說
悽婉

潘德輿彥輔養一齋詞

蝶戀花

春暮寄景蓮

百尺高樓春色暮不卷珠簾怕惹黏窗絮只有惜春鴛解語隨
風又入煙中樹陌上尋芳羞獨去碧水紅橋盡是相思處吹
盡殘花須閉戶黃昏漸有蕭蕭雨

駢蠻縵何嘗
非陽湖詞派

望海潮

中秋無月

關千醉拍銀蟾何處涼雲涌似秋潮慣聽西窗無情暗雨也空
讓出今宵久客易魂銷對金盤玉宇倦眼無聊何況朦朧廣寒
宮闕隔煙霄南天鄉樹迢遙想一輪端正光碾琉璃兒女滿

庭朋儔倚閣酒邊話我蓬飄漏轉怯涼飈歎彩牋慵賦銀燭愁

燒只好酣眠夢中歸盪碧溪橈

亦在草窗玉田閒何遽北宋

四農大令與葉生書略曰張氏詞選抗志希古標高揭已宏音雅調多被排擯五代北宋有自昔傳誦非徒隻句之警者張氏亦多忽然置之竊謂詞濫觴於唐暢於五代而意格之闕深曲摯則莫盛于北宋詞之有北宋猶詩之有盛唐至南宋則稍衰矣云云張氏之後首發難端亦可謂言之有故然不求立言宗旨而以迹論則亦何異明中葉詩人之侈口盛唐邪宜養一齋詞平鈍淺狹不足登大雅之堂也然其鍼砭張氏亦是諍友

宋翔鳳

高陽臺

次龔定庵韻

雲疊離情風牽別緒過來幾箇今宵人在天涯芳時各恨飄蕭
尊前莫唱傷心曲有年時種種無慘怕蹉跎冷到瓊花咽到瓊

簫 休憎一水盈盈隔喚蘭舟渡去瑤想全拋如此相逢淚班
總漬冰綃消愁說是杯中酒爲愁多酒也難消又無端玉頰微
侵卻暈紅潮

婉約

汪全德

唐多令

春水細紋生春雲綠未成趁東風第幾山程溪上碧桃開又落
唬不住舊時鶯 來日是清明天涯節序更一年年飛絮關情
南國不歸春又晚逢社燕說飄零

格韻俱遠

探春慢

薄靄籠寒低雲破曉雨絲吹上簾額迎社榆錢定巢燕子長記

江南此日無那人
顚顚儘閒殺吟箋
賦筆倦游嬾起看
花風情惆悵似昔
殘睡流鶯喚醒剛
報道禁煙時候岑
寂砌粉懷香澣蘭
被夢付與天涯悽
惻紅板橋邊問繫
馬當年舊宅春水
無言照人愁鬢先
白

氣體甚高

綠意

春草和玉雨

春愁如綺訝漸行
漸遠零亂天際惻
惻東風刻盡還生
無端又引離思
蘼蕪舊夢新來少
見說道春歸容易
任滿城墜粉飄香
不到斷橋山寺
休唱江淹秀句
憶少年彩筆應
更憔悴黯澹
宮袍倦倚危闌
怕看傷心煙翠
鈿車冷落西
冷別換幾度燕
泥芳砌
賸樂游花外
斜陽照一帶
無人地

北宋名篇
柔澹秀折

言三
三
埽花游

谿上見梨花已將落矣

谿邊一樹正過雨生寒將煙似暝早鶯漸近把年來曉夢向春
曉醒澹月生時識得伶俜舊影有誰問是那日翦燈門掩香徑
池館芳信冷憶翠袖單寒一枝誰並等閒窺鏡怕何郎去後
嬾殘宮粉優到飄零莫似楊花飛盡晚風緊怕星星欲吹愁鬢
情語
癡絕

周之琦稚圭金梁夢月詞

三姝媚

海淀集賢院有水石花柳之勝予歲或數十信宿戊寅春暮獨游池畔寓物寫情弁陽翁所謂薄酒孤吟者也

交枝紅在眼蕩簾波香深鏡瀾痕淺費盡春工占勝游惟許等
閒鶯燕步屨廊回盈褪粉蛛絲偷冑小影玲瓏冷到梨雲僂成

秋苑 容易題襟吹散又酒逐花迷夢將天遠繫馬垂楊但翠
眉還識舊時人面暗數韶華空笑我櫻桃三見剩有盈盈胡蝶
西窗弄晚工力甚深

一枝春

珂里新晴試清游過卻愔愔巷陌歡期暗數豔景易成陳跡旗
亭喚酒倩評跋好春顏色吟徧了紫曲塵香惟是燕鶯曾識
幽蘭素芬堪摘怕東風認作尋常標格琴心倦倚夢裏水波空
碧何人寄語但花外玉簫知得重看取小字銀鈎冷綃翠拭骨
瑞鶴仙 四月六日出都小憩蘆溝橋側述

柳絲征袂綰試錦羽初程玉驄猶戀銅街佩聲遠向天邊回首

故人如面藤陰翠晚但怪得琴尊夢短有游蜂知我心期剛是
退紅曾見還看珠巢題字墨暈初乾酒痕微泫晴雲乍展春
已在驛橋畔問柔波一樣仙源流下爲底人間校淺要重尋京
邑塵香素襟漫浣

仲宣謫
岸之篇

踏莎行

勸客清尊催詩畫鼓酒痕不管衣襟污玉笙誰與唱銷魂醉中
只想暫騰去綺席頻邀高軒慣駐悶來卻覺棲雅語城頭一
角晉陽山怪他青到無人處

思佳客

卮上新題開舊題苦無佳句比紅兒生憐桃萼初開日那信楊

花有定時 人悄悄 畫遲遲 殷勤好夢託蛛絲 繡幃金鴨熏香
坐說與春寒總不知 唐人佳境寄託遙深珠玉六一之遺音也
黃鵬甫曰夢月詞語語藏鋒
丞撰心日齋十六家詞選截斷眾流金鉞度與雖未
及皋文保緒之陳巖甚高要亦倚聲家疏鑿手也

吳慈鶴

高陽臺

新鷺

鑄柳塗金妝花傅粉東風多少商量幾處芳菲流鶯暗度宮商
天涯不是無春到奈長隄只有斜陽剩相憐高士雙柑款語詩
腸 歌場舞榭恩恩換有風翻翡翠雨老鴛鴦爭似丁甯數聲
猶繞銀牆高樓也肯珠簾卷怕幽懷未慣雕梁一任他燕子雙
栖長傍流黃 吐屬非凡人品高峻

孫若霖

賣花聲

雲波樓感舊

酒冷又香殘風襲衣單薄情明月爲誰圓
今夜三層樓閣上如此春寒
離合總無端夢也都難人閒天上兩漫漫
曾是昔年雙倚處獨自凭闌

李堂西齋梅邊笛譜

望湘人

秋水

正回潮落處反照明邊暮天初放新霽半帶蘋風半沈蘆雪鷺
下驚涼還起碧極涵虛澹將成夕無痕無際對一江如練平鋪
畫出尖楓詩意
濠濮高蹤渺矣坐苔磯窺見鬢華如此是何

處人歸櫓逐鴈聲搖曳溪頭漲合亂和殘葉冷浸漁扉深閉又
望斷遠浦來帆翠閣凝眸人倚牖

雅詞

小重山

一枕涼生殘暑徂秋風先瑟瑟響菰蒲楊聲疑是鴈相呼西樓
過寄有素書無病骨近何如尋常簾下立要人扶澹雲微月
影模糊銀屏夢怎得度江湖

汪湖生汝信冬巢詞

高陽臺

鴛鴦湖春感用玉田韻

浪蹙鱗圓袞拖鴨裹春心盪起吳船六柱窗低愁風愁水年年
來時笑指垂楊問問而今芳草誰憐意茫然夢醒高樓一碧如

煙 相思最是東風薄共傾脂河水流下晴川鏡裏雙禽幾時
飛去湖邊蘋花拂破空畱影誤佳期只賸鷗眠卷晴簾纔聽流
鶯又聽嘯鵲君聽空外音

前調

艸色

陌上春歸窗前晝靜芳塵只覺芊眠帶著花陰便教一碧如煙
吹來認得春風面倩風光點染春薦是誰將無限相思送到儂
邊一情畱胡蝶飛還住正紅肥綠潤相映新鮮無那離情幾分
顛顛堪憐夢回河畔青青路惹閒愁望裏絲絲鎮愁伊那處遙
看那處低連淒

百字令

漏聲初轉又風聲吹起夜痕愁絕殘夢驚回無覺處一枕春心
寒怯繡幕低垂銀屏靜掩都與東風別月明如鏡向人依舊圓
缺空念望斷天涯春光無奈消息從誰說不聽子規腸已斷
況是三更時節燈穗斜飄簷鈴倦語早有敲窗葉樓空人悄笛
聲還又鳴咽

少游方同
有此替人

大酺

寒夜

正漏將殘燈初炷蕭瑟寒生孤館幽懷何處託倚參差闌檻月
高天遠素鏡光寒吳鉤佩冷都是曾經幽怨來朝有良約便遙
遙聽到曉鐘敲斷怕嘯鴉聲多亂雅飛去曙光猶淺伊家清
夢轉碧雲外薄霧吹成片且細把心香焚了一縷如絲要誰來

雙紅添滿獨自思量久裁一尺素縑題徧況零落霜華晚今夕
何夕都負年時鶯燕畫簾幾重不卷

麗密
悲斷

湘春夜月

太淒清玉簫畱住歌塵誤卻冉冉東風都化夢無痕一帶落花
如霰又月明如水掩上閒門料燕樓正穩鶻啼易斷爭不銷魂
愁時夜永歡來酒冷人去燈昏未了相思空對著一匳清影
偷覷雙身年華晚晚奈霎時多少寒溫可念否這心頭意緒怔
忡不定纔過今春

婉約

木蘭花慢

秋感

是誰家長笛做弄出一天秋早珠露盈盈銀河淺淺挂上簾鉤

句畱野鳥並影數星期何處問牽牛難道徘徊不見空傳玉宇
瓊樓 盈眸芳緒總悠悠鎮日幾回頭但柳又輕黃蕉仍重碧
聊與綢繆知否歲寒耐守對寒梅纔許著春愁誤了一生蛺蝶
前生誤了莊周

士不遇賦不徒作孤憤語

高陽臺

花陰

暝外含晴晴邊弄暝滿庭香氣絲絲綠意紅情覺來濃到芳時
東風四面吹還徧著些兒扶上空枝儘無聊坐久春深簾影輕
移 幽尋但見溶溶月又疏煙漠漠薄霧微微幾箇游蜂偷來
淡處閒窺昏黃不是廉纖雨佇蒼苔溼了單衣最低回一片葦
蕤半晌迷離

沖微

冬集詞粹美無疵深入宋賢之室

同時抗手有王西御秋蓮子詞惜未得見

言三
尤維熊

應天長

慊慊人病了又幾日妝臺未梳蓬鬢人遠天涯只怕心期難問
黃鸝枝上語偏沒箇燕兒來信空盼到乍煖還寒熟梅天近
睡也幾曾穩便夢著些兒杳無憑準枕上班班都是淚珠紅印
新來諸女伴渾未解舊來愁悶錯道是醒後朝慵舞餘春困精

馮登府

長亭怨慢

自題楊柳岸圖

又聽到棲雅時候冷雨疏枝秋聲來驟送別年年亂條攀盡忍
分手銷魂短艇早催度河橋口岸縱有青時卻不管離人消瘦

馬首悵殘陽千里倦向西風沽酒一絲影裏已換了暮蟬亭
喉問那處夜笛樓頭恐歸去綠陰非舊但月曉風尖付與鷺鶩
蝶戀

蕭師度

月下笛 秦淮水榭賦本意

雁底懷人蛩邊語恨旅窗情味疏風外何處悠揚笛聲起梅花
自向秦淮落蕩一點涼煙暗墜乍秋魂吹醒銀蟾冷照碧空無
際人意清如此奈脆韻飄來暗縈離思寒雅病翅倦飛無限
心事月明酒醒天涯夜第一是闌干怕倚甚此曲已淒涼還又

移宮換徵

有數名篇

王嘉福

高陽臺

記別

瘦荻搖煙枯荷開雨離愁滿載蘭橈聽水聽風知他何處今宵
尋尋覓覓淒淒思但傷心隱隱迢迢料無眠一枕冰痕唳溼紅
綃明知此別尋常有奈今番酒醒直恁魂銷夢上江樓依稀
帆遠天高不知誰畫煙鬟影認微茫兩點金焦又驚回四壁秋
蛩替訴無聊

一夢紅

盼汀洲正叢蘆如雪低颭萬梢秋枯樹棲鴉平沙落雁斜陽紅
墮高樓裊天際征帆千葉問西風幾葉是歸舟誰畫淒涼幾株

衰柳幾箇閒鷗 回首江潮滾滾縱沙痕淘盡難離愁何處
清鐘誰家殘笛兩三星火瓜州爲問伊故山猿鶴應笑我塵海
苦淹留舊日心期消散都付東流

趙慶熹秋舫香消酒醒詞

陌上花

西風畫角荒城吹上滿天霜氣遠水斜陽紅到亂山無際樓臺
一味銷魂色翠袖有人寒倚料珠簾半卷斷愁如我百端難理
向關河走馬飄零長劒舊夢淒涼空記僂作黃花瘦也倩誰
扶起年來多少無名淚何處生綃緘寄但青衫幅幅嗁痕印滿
湖波不洗

秋舫先生詞名甚著竊
嘗議其剽滑不能多錄

言三
戈載

蘭陵王

和周清真

畫橋直明鏡波紋皺碧輕煙繞歌榭舞樓一派迷離黯春色東
風徧故國吹老闌津怨客長隄畔千縷碧條時見流鶯度金尺
萍蹤半陳跡記側帽題襟香靄瑤席天涯今又逢寒食歎攜
手人遠俊游難再飛花飛絮散舊驛送潮過江北悲側亂愁
積對孤館殘燈無限淒寂青禽望斷情何極乍倚枕尋夢怕聞
鄰笛那堪窗外更細雨夜半滴

步月

青夜間步

梨月籠晴柳煙搖暝繡隄夜景淒寂嫩寒翦翦逗一絲風力記

攜酒流水畫橋聽鶯語翠陰無跡如今換徹曉鶯鵲盡情呢急
麝蕪芳徑窄香影夢模糊雲暗愁碧玉簫甚處正鐙飄華席
問知否門外落紅已零落鈿車消息歸來也蓮漏隔花靜滴
順卿謹於持律剖及豪芒道光閒吳越詞人從其說者或不
免晦澁竊離情文不同然實爲聲律靜臣不可就優安而傾
也

仲湘

綠意

夏首春餘萬綠如水雨後意行默有振解

垂楊巷陌是一條別路春去無迹溼暈濛濛不管傷心直到天
涯凝碧高樓容易窗紗暗漫指點微茫林隙念那人婉婉芳年
有此鬢邊顏色 祇歎清狂小杜十年已爽約閒恨空積認取

言三
青袍點點痕痕淚比落花紅滴雨餘長了無情草合棄置尋春
雙屐到爾時回首東風賸聽子規嗁徹忍俊不禁

吳廷鈐彥懷塔景樓詞

臺城路

落葉

寒枝未別聲先急蕭蕭助人淒楚帶月敲窗和煙擁砌一夜秋
痕如許飛花幾度只略似花紅也招風妒百折愁腸纔看貼地
又回舞空庭飄灑無數莫呼童卻掃畱待聽雨低襯苔紋細
縈蝸篆錯認玉人題句家山舊路記響階斜陽白雲深處同是
天涯總難忘故樹三昧

王曦季旭鹿門詞

湘月

春風十里又無端吹度一庭芳氣鎮日簾櫳愁不卷多少愛花
深意寶馬新游雲晴風定消得閒情未香浮翠煖相看如許清
麗來向花下銜杯渭城曲罷莫綰青絲轡屈指韶華容易過
忍誤春前歡醉闌艸空階尋芳雕檻記取釵鈿墜最憐嬌小一
般黛影柔媚氣體勝

水龍吟

鵲華橋踏月

迢迢萬里長空碧天如洗秋光淨蕩花十丈思量舊日半湖煙
艇一霎西風年華暗換者番淒景只多情夜月黃昏照處寫蘆
花娟娟影萬戶擣衣聲裏悵無家闌干獨凭歸期未卜姮娥

知否客愁孤冷萍梗飄搖分明似我游蹤不定待來朝早起開

窗卻對著團圓鏡

書家所謂
遊入平出

暗香

憶梅

半窗月白又幾曾照見舊時顏色一曲西洲夢裏依稀寄江北
清影莫教瘦損況如此天寒風急應念我客邸無處問消息
淒寂愁易積恨紙帳夜眠誰共遙夕蒼落露溼林下空來鎮相
憶爲問東風何處怕負卻韶華難覓卻又早吹破也一聲鐵笛
遇感

水龍吟

見海棠和內

分明鏡裏朱顏一般嬌映珠簾下韶光如許碧闌干外數枝低

亞越樣紅酣十分春透粉痕還卸正傷心時候斜陽弄影空認
作呢鵲化不恨花期短短恨春來幾番花謝簾鈴護取何曾
畱得不教開罷胡蝶飛飛而今尙記舊時庭榭祝花魂凭處招
他算只有春風夜麗

憶舊游

春感和仲遠

更看花幾度一霎春光已過三分不管人憔悴把幽情暗逗添
上眉痕亂紅一片難埽新綠又當門待深壓重簾任伊檐外燕
曉鶯昏消魂游冶路悵草色而今不似湘雲一樣關心甚是
誰家容易度了良辰可憐幾點飛絮無處種愁根好祝與東風
莫將春去更惱人

有

江沅

高陽臺

春將去矣。芍藥盛開，碧水生波。瀟風獨賞，以自眇之韻。寫悵觸之思。僕本恨人，誰爲搢淚。世有情種，定許知音。

早色侵衣嫩陰閣雨桐華乍覺春寒回首池塘渾忘舊日闌干
深深隔斷誰家院不分明半下湘簾最無端短夢初醒自怯風
酸 新來懣盡相思句任江南春色吹上眉彎那更殘紅沾他
幾縷愁煙花閒一晌聽曉鳩甚今朝略放春閒小橋邊近水樓
臺天際春山

小雨開晴煥風吹醉十分春到人閒流水生涯看花須是今年
闌邊一碧盈盈好小亭臺閒殺神仙嫩紅天情劫三生蜨夢初
圓 前生種得相思殼化香痕幾縷猶賸餘煙雨伴黃昏依然

明月秋千分明錯認天台路逗春心幾點遙山恁緣慳獨倚東
風更與誰看

依約宛轉

子蘭詞瀨上肆開未收得得其
手書小篆三詞以二篇入錄

朱紫貴

高陽臺

短笛房櫳單衣院落沈沈人倦天長芳草無情和煙綠暗池塘
垂垂紅索秋千架有舊時膩粉畱香早東風送了飛花瘦了垂
楊梅陰漸滿闌干曲任營巢雙燕樹底商量爲問榆錢可能
買住韶光帶圍已是傷春減更春歸怨寫銀簫莫登樓樓外嘯
鵲樓上斜陽

篋中詞

金壇馮煦參校